

堯山堂外紀

堯山堂外紀卷四

晉陵蔣仲舒編

漢

武皇帝徽

景帝夢神女捧日以授王夫人吞之而生帝又夢高祖謂已曰王美

人得子可名為彘及生帝因名焉七歲立為太子上曰彘者徽也因改名徽

帝行幸河東祠后土顧視帝京忻然中流與羣臣

飲譙帝歡甚乃自作秋風辭云秋風起兮白雲

飛艸木黃落兮鴈南歸蘭有秀兮菊有芳懷佳

堯山堂外紀卷四

人兮不能忘。汎樓船兮濟汾河。橫中流兮揚素  
波。簫鼓鳴兮發擢歌。歡樂極兮哀情多。少壯幾  
時兮柰老何。

元狩初南陽新野有暴利長遭刑屯田于燉煌郡  
郡有渥洼水利長數於水旁見群馬中有奇者  
與凡馬異來飲此水利長先作土偶持勒韉於  
水旁馬玩習久之代土偶持勒韉收得其馬獻  
之欲神異此馬云從水中出帝次以為天馬之

歌曰太一貢兮天馬下  
電赤汗兮沫流赭  
騁容與兮繼萬里  
今安匹兮龍為友

大宛國有山高其上有馬不可得  
乃取王色馬母置其下  
與集生駒皆汗血  
因號天馬一日可致  
千里帝伐大宛得之作歌曰  
天馬徠兮從西極  
經萬里兮歸有德  
承靈威兮降外國  
涉流沙兮四夷服

李延年中山故倡也坐法腐刑給事狗監中善歌

為新變穀帝甚愛之嘗侍上起舞歌曰北方有  
佳人絕世而獨立一顧傾人城再顧傾人國寧  
不知傾城與傾國佳人難再得上歎息曰世豈  
有此人乎平陽公主曰言延年有女弟上召見  
之實妙麗善舞由是得幸是為李天人時人語  
曰一雌復一雄雙飛入紫宮

淮南王安招方術之士皆謂神仙上聞而喜於是  
方士自燕齊至者數千人齊人李少翁年二百

餘歲色若童子拜爲文成將軍歲餘術未驗上  
漸厭倦會李夫人死上甚思悼之少翁云能致  
其神乃夜張帳明燭陳酒食令上居他帳中遙  
見李夫人不得就視上愈益想之乃作賦曰美  
聯娟以修嫿兮命天絕而弗長飾莊宮以延佇  
兮泯不歸乎故鄉慘鬱鬱其悶感兮處幽隱而  
懷傷稅餘馬於上椒兮掩脩夜之不陽又爲作  
詩令樂府諸音家絃歌之詩曰是邪非邪立而

望之偏何姍姍其來遲

初帝深嬖李夫人死後常思夢之或欲見夫人

帝親頻頻嬪御不牢詔李少君與之語曰朕思李夫人其可得乎少君曰可遙見不可同惟惺暗海有潛英之石其色青輕如毛羽寒盛則石溫暑盛則石冷刻為人像神悟不異真人帝曰此石像可得否少君曰願得樓船巨力千人能浮水登木皆使明于道術齋不死之藥乃至暗海經十年而還昔之去人或昇雲不歸或託形骸必獲反者四五人得此石即命工人依先圖刻作夫人形刻成置千輕紗幙裡宛若生時帝大悅問少君曰可得近乎少君曰譬如中宵忽夢而晝可得近觀乎此石毒宜遠望不可逼也勿輕萬乘之尊惑此精魅之物帝乃從其諫見夫人畢少君乃使姁此石人為丸服之不復思夢乃築靈夢臺歲時祀之

帝惡懷李夫人時始穿昆靈之池泥翔禽之舟帝  
自造歌曲使女伶歌之時日已西傾涼風激水  
女伶歌聲甚道因賦落葉哀蟬曲曰羅袂兮無  
聲玉墀兮塵生虛房冷而寂寞落葉依於重扇  
望彼美之女兮安得感余心之未寧帝聞唱動  
心悶悶不自支持命龍膏之灯以照舟內悲不  
自止親侍者覺帝容色愁怨乃進洪梁之酒酌  
以文螺之卮帝飲三爵色悅心歡乃詔女伶出



侍帝息於延涼室卧夢李夫人授帝薜蘿之香  
帝驚起而香氣猶著衣枕歷月不歇帝彌思求  
終不復見涕泣洽席遂改延涼室為遺芳夢室

鍾山有香草東方朔獻帝懷  
之即夢見李夫人名懷夢草

車子侯者扶風人武帝愛其清淨稍遷其位至侍  
中一朝語客云我今補仙官此春應去至夏中  
當暫還還少時復去如其言帝思之乃作歌曰  
嘉幽蘭兮延秀華妖嬈兮中濟華斐斐兮麗景

風襲徊兮流芳。皇天兮無慧。至人逝兮仙鄉。天  
路遠兮無期。不覺涕下兮霑裳。

元鼎初帝作栢梁臺成至元封初詔羣臣有能為  
七言詩乃得上坐帝首倡云日月星辰和四時  
梁孝王武云驂駕駟馬從梁來大司馬霍去病  
云郡國士馬羽林和丞相石慶云總領天下誠  
難治大將軍衛青云和撫四夷不易哉御史大  
夫倪寬云刀筆之吏臣執之。大常周建德云撞

鐘伐鼓聲中諱宗正劉安國云宗室廣大日益  
滋衛尉路博德云周衛交戟禁不時先祿勲徐  
自為云總領從宗栢梁臺廷尉杜周云平理清  
讞決嫌疑大僕公孫賀云脩飾輿馬侍駕來大  
鴻臚壺充國云郡國吏功差次之少府王溫舒  
云乘輿御物主治之大司農張成云陳粟萬石  
揚以箕執金吾中尉豹云微道宮下隨討治左  
馮翊盛宣云三輔盜賊天下危左扶風李成信

云盜阻南山為民災京兆尹云外家公主不可  
治詹事陳掌云椒房率更領其材典屬國云蠻  
夷朝賀常舍期大匠云柱枅樗櫟相枝持大官  
令云枇杷橘栗桃李梅上林令云走狗逐兔張  
果惡郭舍人云鰐妃女唇甘如飴東方朔云迫  
窘詰屈幾窮地帝又於望鶴臺西起俯月臺臺  
下穿影娥池每登臺眺月影入  
池中使宮人乘舟笑弄月影  
因名影娥池亦曰眺嬌臺

元鼎間鄧支國貢馬肝石百斤長以水銀納玉函

中金泥封其上此石半青半白碎之和九轉丹  
每吞一丸彌年不饑渴以之拭髮白皆黑帝常  
坐群臣于甘泉殿有髮白者以此拭之應手皆  
黑是時公卿語曰不用作方伯唯願拭馬肝石  
元封初帝既封禪乃發卒數萬人塞輜子決河還  
自臨祭湛白馬玉璧令群臣從官皆負薪塞決  
河時東郡燒草以故薪少乃下淇園之竹以為  
楫上既臨河決悼其功之不就為作歌詩二章

於是卒塞瓠子築宮其上名曰宣防歌曰瓠子  
決兮將柰何浩浩洋洋兮慮殫為河殫為河兮  
地不得寧功無已時兮吾山平吾山平兮鉅野  
溢魚弗鬱兮柏冬日正道弛兮離常流蛟龍騁  
兮放遠遊歸舊川兮神哉沛不封禪兮安知外  
為我謂河伯兮何不仁汎濫不止兮愁吾人鼃  
桑浮兮淮泗滿久不返兮水維緩又曰河湯湯  
兮激潺湲北渡回兮迅流難蹇長菱兮湛美玉

河伯許兮薪不屬薪不屬兮衛人罪燒蕭條兮  
噫乎何以禦水隤林竹兮捷石菑宣防塞兮萬  
福來

元封中帝遣江都王建女細君為公主以妻烏孫  
王昆莫公主至其國自治宮室居歲時一再與  
昆莫會置酒飲食昆莫年老言語不通公主悲  
乃自作歌云吾家嫁我兮天一方遠托異國兮  
烏孫王穹廬為室兮氊為牆以內為食兮酪為

衆居常土思兮心內傷。願為黃鵠兮歸故鄉。  
大初二年大月氏國貢雙頭鷄四足一尾鳴則俱  
鳴武帝置甘泉故館更以餘鷄混之得其種類  
而不能鳴諫者曰詩云牝鷄無晨今雄類不鳴  
非吉祥也帝乃送還西域行至西關鷄反顧漢  
宮而哀鳴謠言曰三七末世鷄不鳴犬不吠宮  
中荆棘亂相繁當有九虎爭為帝至王莽篡位  
將軍有九虎之號其後喪亂彌多宮掖中生蒿



棘家無鷄鳴犬吠

武帝崩後忽見形謂陵令薛平曰我雖失勢猶為  
汝君柰何令吏卒上吾陵磨劍乎因不見推陵  
旁果有方石可為礪吏卒常盜磨刀劍霍光欲  
斬之張安世曰神道茫昧不宜為法故阮公詠  
懷詩曰失勢在頃臾帶劍上吾丘

董仲舒

廣川人漢末有董永者性至孝貸主

人為錢塋父許身為奴道遇一女求  
為妻同造主人織練三百一月而畢辭永  
去曰我天之織女也生一子名仲深于天

文術數之學後乃說仲為仲舒天女嫁永  
事本虛誕而仲舒為永子尤妄不可不辨  
仲舒汝門人過其墓皆下馬  
謂之下馬陵詎詎為墜墓陵

董仲舒嘗下帷獨詠忽有客來詣風姿音氣殊為  
不凡與論五經究其微奧仲舒素不聞有此人  
而疑其非常客又曰欲雨仲舒因此戲之曰巢  
居知風穴居知雨卿非狐狸即是鼯鼠客聞此  
言色動形壞化成老狐蹶然而走

後漢鍾離意為孔子脩車入廟拭几席劍履張伯

除堂下草土中得壁七懷其一埋其六牀下有  
懸甕問戶曹曰夫子丹書發之得素書云後世  
脩吾書董仲舒護吾車拭吾履發吾笥會稽鍾  
離意辭有七張伯懷其一

東方朔

小名曼倩父張夷字少平年二百歲  
顏若童子夷死母田氏寡居夢太白

星臨其上曰有妊歎曰無夫而妊人將棄  
我乃移向代都東方里為居五月旦生朔  
因以所居里為氏朔為名或云朔生三日  
而田氏死鄰母收養之時東方始明因以  
姓焉朔生而目如懸珠齒如編貝東郡獻  
短人呼朔至曰二母種桃三千年一開花

三千年一結子此見不良三偷之矣俗言朔是太白星精黃帝時為風堯時為務成子周時為老聃在越為范蠡在齊為鴟夷子皮又有言朔是歲星之精歲星東方木星也朔死歲星隕朔娶神君姁宛若為小妻生子三人與朔俱死

武帝嘗使諸數家射覆東方朔自贊曰臣嘗受易請射之射連中時有幸倡郭舍人滑稽不窮常侍左右曰朔狂幸中耳非至數也臣願令朔後射朔中臣榜百朔不能中臣賜帛廼覆樹上寄生令朔射之朔曰是宴數也舍人曰果知朔不

能中也朔曰生肉為膾乾肉為脯著樹為寄生  
盆下為窠數上令倡監榜舍人舍人不勝痛呼  
暑朔笑之曰咄口無毛聲警警尻益高舍人志  
曰朔擅詆欺天子從官當棄市上問朔何故詆  
之對曰臣與為隱耳上曰隱云何朔曰夫口無  
毛者狗竇也聲警警者鳥哺穀也尻益高者鶴  
唳喙也舍人不服因曰臣願復問朔隱語不知  
亦當榜即妄為諧語曰令壺齟老柏塗伊優亞

行呌牙何謂也朔曰令者命也壺者所以盛也  
齟者齒不正也老者人所敬也柏者鬼之廷也  
塗者漸如徑也伊優亞者辭未定也行呌牙者  
而犬爭也舍人所問朔應聲輒對變詐鍵出莫  
能窮者左右大驚上以朔為常侍郎遂得愛幸  
郭舍人復謂朔曰願問一事客從東方且歌且作  
不從門入踰我垣墻遊戲中庭上入殿堂擊之  
拍之死者穰穰格鬪而死主人不傷是何物也

東方朔曰利喙細身畫匡出昏嗜肉惡燈指掌  
所相臣朔愚慧名之曰蛟

武帝遊上林見一好樹問東方朔曰名善哉帝陰  
使人識其樹後數歲復問朔朔曰名為瞿所帝  
曰朔欺久矣名與前不同何也朔曰夫大為馬  
小為駒長為鷄小為鶩大為牛小為犢人生為  
兒長為老且昔為善哉今為瞿所長少死生萬  
物敗成豈有定哉帝乃大笑

上林嘗獻棗上以杖連擊未央前殿檻再叱而呼  
曰朔來朔來先生知此筐中何物朔曰上林獻  
棗四十九枚上曰何以知之對曰呼臣者上也  
以杖擊檻而下者兩木林也來來者棗也叱叱  
者四十九也上大笑賜帛十疋

司馬相如

字長卿小字犬子以慕蔭相如故  
名初往蜀郡通井仙橋題其柱曰

大丈夫不乘駟馬車不復過此橋後果乘  
駟馬歸將獻賦夢一黃衣翁謂之曰可為  
大人賦遂作大人賦以獻賜錦四匹長安  
有慶亂之者亦善為賦嘗為清思賦時人



不之貴託以相如所  
作遂大見重於世

司馬相如與臨邛令王吉相善往舍都亭臨邛中  
富人卓王孫為具召之并召令酒酣令前奏琴  
曰竊聞長卿好之願以自娛相如辭謝為鼓一  
再行其詞曰鳳兮鳳兮歸故鄉遨遊四海求其  
皇時未遇兮無所將何悟今夕兮升斯堂有豔  
淑女在閨房室爾人邀毒我腸何緣交頸為鴛  
鴦胡頡頏兮共翔翔鳳兮鳳兮從我棲浥托掌

尾永爲妃交情通體心和諧中夜相從知者誰  
雙翼俱起翻高飛無感我思使余悲是時卓王  
孫有女文君新寡故相如繆與令相重而以琴  
心挑之文君竊從戶窺心悅而好之既罷相如  
乃使人重賜文君侍者通殷勤文君夜亡奔相  
如相如乃與馳歸成都居貧愁憊以所著鸛鷀  
裘就市人陽昌貰酒與文君爲帷既而文君抱  
頸而泣曰我平生富足今乃以衣裘貰酒盍歸

臨邛從昆季假貸猶足為生相如乃俱至臨邛  
置酒舍令文君當壚相如親著犢鼻褌滌器以  
耻王孫王孫果以為病乃厚給文君

文君姣好眉色如望遠山臉際常若芙蓉肌膚柔  
滑如脂十七而寡為人放誕風流故悅長卿之  
才而越禮焉及長卿將聘茂陵人女為妾文君  
作白頭吟以自絕長卿乃止其辭曰皚如山上  
雪皎若雲間月聞君有兩意故來相決絕今

月斗酒會明旦。溝水頭縹緲御溝上。溝水東西流。淒淒重淒淒。嫁娶不須啼。願得一人心。白首不相離。竹竿何嫋嫋。魚尾何篴篴。男兒重意氣。何用錢刀為。

文君與相如書曰。春華競芳。五色凌素。琴尚在御。而新聲代故。錦水有死。漢宮有木。彼物而親嗟。世之人兮。替于媼而不悟。再與書曰。朱絃斷。明鏡缺。朝露晞。芳顏歇。白頭吟。傷離別。努力加餐。

母念妾錦水湯湯與君長訣

長卿素有消渴疾及還成都悅文君之色遂以發  
痼疾乃作美人賦欲以自刺而終不能改卒以  
此疾至死文君為誄曰嗟嗟夫子兮亶通儒少  
好學兮綜群書縱橫創伎兮英敏有譽尚慕往  
哲兮更名相如落魄遠遊兮賦子虛畢爾壯志  
兮駟馬高車憶昔初好兮雍容孔都憐才仰德  
兮琴心兩娛永託為妃兮不耻當壚生平淺促

兮命也難扶長夜思君兮形影孤步中庭兮霜  
草枯雁鳴哀哀兮吾將安如仰天太息兮抑鬱  
不舒訴此悽惻兮疇忍聽予泉穴可徙兮願殞  
其軀

灌夫

潁川人初魏其侯竇嬰失勢賓客棄  
獨夫不去嬰乃厚遇之相引為重

灌夫不好文學喜任俠諸所與交通無非豪傑大  
猾宗累數千萬食客日數十百人陂池田園宗  
族賓客為柵利橫潁川潁川兒歌之曰潁水清

灌氏寧潁水濁灌氏族夫剛直使酒數醉忤  
丞相田蚡蚡乃奏案夫宗屬暴橫汚棄市罪族  
誅

韓嫣

字王孫武帝為膠東王時與相愛  
後出入永巷不禁以姦聞賜死

韓嫣好彈以金為丸一日所失者十餘長安語曰  
苦饑寒逐彈丸京師兒童每聞嫣出彈輒隨之  
望丸所落便拾取焉

堯山堂外紀卷四終

堯山堂外紀卷五

晉陵蔣仲舒編

漢

昭帝弗陵

武帝巡狩過河間有紫青氣自地屬天望氣以為其下當有奇女天

子之祥上使求之見一女子在空館中安貌殊絕兩手勾拳數十人勢之莫能舒上自披手手即伸由是得幸孺拳夫人居鉤弋宮解黃帝素女之術大有寵有娠十四

月而產帝

始元元年黃鵠下建章宮太液池中群臣以為瑞



上壽稱賀帝為歌曰黃鵠飛兮下建章羽肅  
兮行踴踴金為衣兮菊為裳嗟喋荷存出入薰  
葭音自顧菲薄愧爾嘉祥是時帝初即位年九  
歲

始元元年帝穿淋池廣千步中植分枝荷一莖四  
葉狀如駢蓋日照則葉低陰根若葵之衛足也  
名曰低光荷實如玄珠可以飾珮花葉雜萎芬  
芳之氣微十餘里食之令人口氣常香宮人嘗

之無遊宴出入必皆舍嚼或剪以為衣或折以  
蔽日以為戲弄帝時命水嬉以文梓為船木蘭  
為柂刻飛鸞翔鶴飾於船首隨風輕漾畢景忘  
歸乃至通夜使宮人歌曰商飈素景泛洪波揮  
纖手兮折芰荷涼風淒淒揚棹歌雲光開曙月  
低河萬歲為樂豈云多帝大悅因起游商臺于  
池上池中又有倒生菱莖如亂絲一花十葉根  
浮水上實沉泥裡泥如紫色謂之紫泥菱  
食之令人不老

燕刺王旦自以為帝兄不得立乃與蓋長公主上官桀等謀廢帝事覺王憂懣置酒萬載宮會賓客羣臣妃妾坐飲王自歌云歸空城兮狗不吠雞不鳴橫術何廣廣兮固知國中之無人華容夫人起舞而續歌云髮紛紛兮冥渠骨籍籍兮亡居母求死子兮妻求死夫裴回兩渠間兮君子將安居歌畢坐者皆泣天子使使者賜璽書王以綬自殺夫人隨旦自殺

蘇武

字子卿天漢初使匈奴留十九年始以強壯出及歸鬚髮盡白

蘇武初使匈奴時作詩留別妻云結髮為夫妻。恩愛兩不疑。歡娛在今夕。燕婉及良時。征夫懷往路。起視夜何其。參辰皆已沒。去去從此辭。行役在戰場。相見未有期。握手一長歎。淚為生別淚。努力愛青春。華莫忘歡樂時。生當復來歸。死當長相思。妻答詩云。與君結新婚。宿昔當別離。涼風動秋草。蟋蟀鳴相隨。冽冽寒蟬吟。蟬吟抱枯枝。

枯枝時飛揚身體忽遷移不悲身體移當惜歲  
月馳月馳無窮極會令安可知願為雙黃鵠悲  
鳴戲清池

李廣有孫陵善騎射拜騎都尉天漢中將步卒五  
千擊匈奴轉聞矢盡遂降虜單于以女妻之立  
為右校王陵與蘇武善與武詩云携手上河梁  
遊子暮何之徘徊路側恨恨不能辭行人難  
久留各言長相思安知非日月弦望自有時勞

力崇明德。皓首以為期。

始元間。匈奴與漢和親。漢使求蘇武等。謂單于言。天子射上林中。得鴈足。有繫帛書。知武等在某澤中。單于乃許武還。李陵置酒賀武。曰。異域之人。一別長絕。因起舞而歌。泣下數行。遂與武決。歌曰。徑萬里兮度沙漠。為君將兮奮匈奴。路窮絕兮矢刃摧。士衆滅兮名已隤。老母已死。雖欲報恩。將安歸。武亦以詩別。陵曰。雙鳬俱北飛。一

危獨南翔子當留斯館。我當歸故鄉。一別如秦  
胡。會見何詎央。愴恨切中懷。不覺淚沾裳。願子  
長努力。言笑莫相忘。

王吉

字子陽琅琊人。事宣帝為諫諍。吉子駿

駿子崇世名清廉。皆好車馬衣服。其自奉養極為鮮明。天下服其廉。而怪其奢。故俗傳王陽能作黃金明。帝時復有一王吉。則虎賁郎也。

王吉少時居長安。其東家有枣樹。垂吉庭中。吉婦  
取枣啖吉。吉知之。乃去婦。東家聞而欲伐其樹。

隣里共勸止之因請吉還婦里中語曰東家伐樹王陽婦去東家棗完去婦復還

王吉與貢禹為友時稱王陽在位貢禹彈冠蕭育與朱博為友著聞當代長安語曰蕭朱結綬王貢彈冠

明帝東巡泰山到滎陽有鳥飛鳴乘輿上虎賁即王吉射中之作祝辭曰烏烏啞啞引弓射洞左腋陛下壽萬年臣為三千石帝大悅賜錢百萬



令亭壁悉畫鳥

王褒

字子淵與司馬長卿行子雲皆產蜀世稱長卿淵雲之文

宣帝神爵初頗修武帝故事聞益州有金馬碧雞之神可醮祭而致於是遣王褒使持節求之褒

祭文曰漢持節使王褒謹拜南崖敬移金精神

馬縹碧之雞處南之荒浹谿曰谷非士之鄉歸

來歸來漢德無疆庶平唐虞澤配三皇

漢書音義金形

似馬碧形似雞今碧雞山在雲南府滇池西金馬山在滇池東

王子淵以事到渝上寨婦楊惠舍有一奴名便了  
倩行酤酒便了捍大杖上冢巔曰大夫買便了  
時只約守冢不約為他家男子酤酒子淵大怒  
曰奴寧欲賣耶惠曰奴父許人人無欲者子郎  
決賣券之奴漫曰欲使皆上不上券便了不能  
為也子淵曰啗作券文曰神爵三年正月十五  
日資中男子王子淵從成都安志里女子楊惠  
買夫特戶下髯奴便了決賣萬五千奴從百役

使不得有二言晨起灑掃食了洗滌居當穿白  
縛簾栽孟鑿井浚渠縛落鉏園研陌杜埤地刻  
大枷屈竹作杷削治鹿盧出入不得騎馬載車  
跣坐大呌卞牀振頭垂釣<sub>易</sub>顯結華臘纊沃不  
酪住阻醺織屨作麈黏雀張鳥結網捕魚繳鴈  
彈鳬登山射鹿入水捕龜浚園縱魚鴈鶩百餘  
驅逐鵝鳥持梢牧猪種薑養羊長育豚駒糞除  
常繫餵食馬牛鼓四起坐夜半益芻二月春分

被隄杜疆落桑皮。撥種瓜作瓠。別茹披葱。焚棧  
發等壘。集破封。日中早羹雞鳴起。春調治馬駒。  
葉落三重舍。中有客提壺行。酤汲水作餚。滌杯  
慙按。園中拔蒜斲蘇。切脯築肉。雁羊膾魚。魚鼈  
烹茶。盡具脯已盡。歲閉門塞竇。餒猪縱犬勿與  
鄰里爭鬪。奴但當飯豆飲水。不得嗜酒。飲以美  
酒。唯得染唇漬口。不得傾盃覆斗。不得展出夜  
入交關。伴偶舍後有樹。當栽作船。上至江州。下

到煎主為府掾求用錢推訪惡敗搜索綿亭買  
席往來都落當為婦女求脂澤敗於小市歸都  
擔集轉出旁蹉牽犬販鵝武陽貢茶楊氏池中  
擔荷往來市聚慎護新偷入市不得莫躄旁卧  
惡言醜罵多作刀子持入益州貨易牛羊奴自  
交精惠不得瘕愚持斧入山斷柴栽棘若殘遺  
作俎机木屐及甌盤焚薪作炭石甕薄岸治舍  
蓋屋書削代牘日暮以歸當送乾薪初二歲母

月當陂。五月當獲。十月收豆。多取清苧。益作繩。  
索。雨墮無所為。當編蔣。織箔。植種。苑李。梨。柿。柘。  
桑。三丈一樹。八尺為行。果類相從。縱橫相當。果  
熟。收歛。不得吮嘗。犬吠。當起驚。告鄰里。棖門柱。  
戶上。棲擊鼓。椅盾。曳紆。還落。三周。勤心疾作。不  
得遨遊。奴老力索。種完。織蓆。事訖。欲休。當春一  
石。夜半無事。浣衣。當白。若有私歛。主給賓客。奴  
不得有姦私。事事當聞白。奴不聽教。當笞一百。

讀券文。徧訖。詞窮。咋索。佗佗扣頭。兩手自搏。目  
淚下落。鼻涕長一尺。當如王大夫言。不如早歸。  
黃土陌。蚯蚓鑽額。早知當爾。王大夫酤酒。真不  
敢作惡。

後石崇效之作。奴券黃庭堅改之作。跋矣。奴文。

匡衡

字稚圭。家貧無油。鄰舍有燭。每穿壁引其光讀書。元帝朝為丞相。封樂鄉侯。

匡衡世農夫。至衡好學。邑大姓家富多書。衡乃為  
其傭作。而不求直。願得主人書遍讀之。主人感  
歎。資給以書。遂成大學。能說詩。諸儒為之語曰。

無說詩匡鼎來匡說詩解人頤鼎衡小名也

諸葛豐

元帝朝為城門校尉

諸葛豐以剛直著名舉刺無所避京師語曰間何濶逢諸葛。

五鹿充宗

元帝朝尚書令

五鹿充宗為梁丘易元帝好之欲考其異同令與諸易家論充宗辨口諸儒莫能抗有薦朱雲者召入攝齊登堂抗首而請音動左右諸儒為之



語曰五鹿嶽嶽朱雲折其角。

石顯為中書令威權日盛僕射牢梁少府五鹿充  
宗與結為黨諸附倚者皆得寵位民歌之曰牢  
邪石邪五鹿客邪印何累累綬若々邪。

成帝初石顯以罪免歸故郡道死其黨牢梁陳順  
皆免官少府五鹿充宗左遷玄菟太守御史中  
丞伊嘉為鴈門都尉長安謠云伊徙鴈鹿徙菟  
去牢與陳實無賈。

王嬙

字昭君元帝時匈奴入朝願請漢氏以嬙配之號寧胡閼氏今秭歸縣有昭君

村卒葬匈奴謂之青塚晉以文王諱昭改胡妃云

元帝後宮既多不得常見乃使畫工圖其形按圖召幸宮人皆賂畫工昭君自恃其貌獨不與乃惡圖之及後匈奴入朝選美人配之昭君之圖當行及入辭光彩射人悚動左右天子方重信外國悔恨不及窮按其事畫工有杜陵毛延壽矣市籍其資財昭君在胡作詩以怨思云秋木

蔓。其葉萎黃。有鳥處山。集于苞桑。養育毛羽。  
形容生光。既得升雲。上遊曲房。離宮絕曠。身體  
摧藏。志念抑沈。不得頡頏。雖得委食。心有徊徨。  
我獨伊何。來往變常。翩翩之燕。遠集西羌。高山  
我戕。我河水泱泱。父兮母兮。道里悠長。嗚呼哀哉。  
憂心惻傷。

成帝驚

初元帝為皇太子所幸司馬良娣病  
必忽忽不樂宣帝令皇后擇后宮家  
人子得元城王改君送太子宮改君故人  
衣御史賀孫女是歲生帝於甲館畫堂宮

帝愛之自名  
曰驚字太孫

帝為微行出遊常與富平侯張放俱稱富平侯家  
人過陽阿主作樂見舞者趙飛燕而幸之時童  
謠曰燕燕尾涎涎張公子時相見木門倉琅根  
燕飛來啄皇孫皇孫妬燕啄矢涎涎美好貌張  
公子謂富平侯也木門倉琅根為宮門銅鐻言  
將華貴也後遂立飛燕為皇后弟昭儀賊害後  
宮皇子卒皆伏辜時又有謠曰邪徑敗良田讒

口亂善人。桂樹華不實。黃爵巢其顛。昔為人所羨。今為人所憐。桂赤色。漢家象華不實。無繼嗣也。王莽自謂黃象。黃爵巢其顛也。

帝於太液池作千人舟。號合宮之舟。池中起為瀛洲。樹高四十尺。帝御流波文。縠無縫衫。趙后衣南越所貢雲英紫裙。碧瓊輕綃。廣樹上后歌舞。歸風送遠之曲。曰涼風起兮。天隕霜。懷君子兮。渺難望。感予心兮。多慨慷。帝以文犀簪擊玉甌。

令后所愛侍郎馮無方吹笙以倚后歌中流歌  
酣風大起后順風揚音無方長喻細嫋與相屬  
后褰髀曰願我顧我后揚袖曰仙乎仙乎去故  
而就新寧忘懷乎帝曰無方為我持后無方捨  
吹持后履久之風霽后泣曰帝恩我使我仙去  
不待悵然曼嘯泣數行下帝益愧愛后賜無方  
千萬入后房閨它日宮姝幸者或襞裙為綰號  
曰留仙裙

飛燕父名馮萬金江都王孫文姑蘇  
主嫁趙曼萬金通焉一產二女長曰

宜主次曰合德皆冒姓趙宜主幼聰慧家有彭祖方脉書善行氣術長而纖便輕細舉止翩然人謂之飛燕既召入大幸合德湊召入俱為良妍可聽飛燕既召入大幸合德湊召入俱為良妍一飛燕浴五蘊七香湯踞通香沉木坐燎降神百福香合德浴薤薤湯傳露華百英粉帝常私語拱姬曰后雖有異香不若婕妤體自香也又嘗請婕妤為溫柔鄉曰吾若是卿矣不能效武皇帝求白雲鄉也

班婕妤左曹越騎校尉况之女少有才學成帝選入宮以為婕妤後趙飛燕譖其呪考問之上善其對遂求供養太后長信宮作怨歌行曰新

裂齊統素皎潔如霜雪。裁成合歡扇。團圓似明月。出入君懷袖。飭綏徵風業。常恐秋節至。涼飈奪炎熱。棄捐篋箠中。恩情中道絕。帝崩充奉園陵。薨曰葵園中。

馮野王

字君卿。馮奉世子九人而四子通。四經野王通詩。遠通易。立通春秋。參通

尚書

成帝時馮野王為上郡太守。其後弟立亦自五原太守徙西河上郡。立居職公廉。治行略與野王



相似而多知有恩貸好為條教吏民嘉美野王  
立相代為太守歌之曰大馮君小馮君兄弟繼  
踵相因循聰明賢知惠吏民政如魯衛德化鈞  
周公康叔猶二君。

翟方進

字子威年十五為小吏有蔡父奇其相曰小吏也而有侯骨當以經術進

乃謝  
病歸

汝南舊有鴻隙大陂郡以為饒成帝時關東數水  
陂溢為害翟方進為相與御史大夫孔光共遣

祿行視以為決云陂水其地肥美省隄防費而  
無水憂遂奏罷之王莽時常枯旱郡中追怨方  
進言方進請陂下良田不得而奏罷陂因為童  
謠云壞陂誰翟子威飯我豆食羹芋魁言不生  
稻梁惟  
生豈及乎覆陂當復誰云者而黃鵠託神  
告之

鮑宣

哀帝朝拜司隸以  
不附王莽見殺

鮑宣子永永子昱三世皆為司隸而乘一驄馬京  
師人歌之曰鮑氏驄三人司隸再入公馬驄瘦

行步工

楊雄

字子雲成都人其父寓巫山生雄論者謂鍾十二峰之秀楊氏自季至雄五世

而傳一子雄子烏稱神童九歲而夭故蜀無它楊雄作甘泉賦成夢止五歲在地著

太玄經夢白鳳凰集其頂上

楊子雲家產不過十金嘗戲作逐貧賦曰楊子遁世離俗獨處左隣崇山右接曠野鄰垣乞兒終貧且窶禮薄義弊相與群聚惆悵失志呼貧與語汝在六極投棄荒遐好為庸卒刑戮是加匪

惟幼稚嬉戲土砂。居非近鄰。接屋連家。恩輕毛羽。義薄輕羅。進不由德。退不受呵。久為滯客。其意謂何人。皆文繡余禍。不完人皆稻粱。我獨藜殮。貧無寶玩。何以接歡。宗室之燕。為樂不繁。徒行負賃。出處易衣。身服百役。手足胼胝。或耘或耔。露體霑肌。朋友道絕。進官凌遲。厥咎安在。職汝為之。舍汝遠竄。崑崙之顛。爾漫我隨。翰飛戾天。舍爾登山。巖穴隱蔽。爾漫我隨。步彼南岡。捨

爾入海汎彼栢舟。爾後我隨載。汎載浮我行。爾  
動我靜爾休。豈無它人從我何。求今汝去矣。勿  
後久留。貧曰唯唯。主人見逐多言。益嘆心有所  
懷。願得盡辭。昔我乃祖。宣其明德。克佐帝堯。誓  
為典則。土階茅茨。匪彫匪飾。爰及世季。縱其昏  
惑。饗食之群。貪富苟得。鄙我先人。乃傲乃驕。瑤  
臺瓊榭。室屋崇高。流酒為池。積肉為嶠。是用鵠  
逝不踐其朝。三省吾身。謂予無譽。虞君之宋。福

祿如山忘我大德。惡我小怨。堪寒能暑。少而習  
焉。寒暑不忒。等壽神僊。桀跖不顧。貪類不干。人  
皆重蔽。子獨露居。人皆怵惕。子獨無虞。言辭既  
罄。色厲目張。攝齊而興。降階下堂。誓將去汝。適  
彼首陽。孤竹二子。與我連行。余乃避席。辭謝不  
直。請不貳過。聞義則服。長與汝居。終無厭極。貧  
遂不去。與我遊息。子雲作法言蜀富人賣錢十  
萬。頭載一名子雲。不聽以富  
無仁義之行。正如園中之  
鹿。欄中之牛。安得妄哉。

王莽篡位後漢上符命者莽盡誅之時楊雄校書  
天祿閣使者欲收雄雄恐乃從閣自投幾死京  
師為之語曰惟寂惟冥自投于閣爰清爰靜無  
作符命

蔣詡

字元卿

蔣詡為兗州刺史王莽為軍衡詡奏事到霸上移  
病歸杜陵荆棘塞門舍中三徑唯羊仲求仲從  
之遊二人皆治車為業推廩逃名時人謂之二

仲曰有諺曰楚國二龔不如杜陵蔣翁

堯山堂外紀卷五終